

صاحب امتیاز :
احمد شیرانی



اعتصام

مدیر مسئول :
احمد شیرانی



عدد — ۵

واعتصموا

سنه — ۱

۲۲ ربیع الاول
سنه ۱۳۳۷

{ هفته‌ای لایق مجموعه اسلامیه در . }

۲۶ کانون اول
سنه ۱۳۳۴

بووجهله زمین وزمانی حاضر لامادن محدود و معدود المقدار کیمسه لک یوز بیکلرجه
 بلکه ملیونلرجه مسلمانلرجه تحکم سوداسنه طوئیسلملری؛ طوغریسی پک کوانج
 اولیور . بز ؛ سوق اجتهاد و قناعتله دیانت علیهدارانلی یاپانلری مؤاخذه ایتمه یز .
 چونکه هر کسک کندی فملندن مشغول بولندی و دنیا سراسر مسلمانله طولسه
 اللهه فائده سی اولیه جنی کی کفر ایله طولاسنک ضرر ویرمیه جکی ده بیلیمکده یز .
 آنک ایچون دیانت طرفدارانی ایله علیهدارانک یکدیگرلرینه قارشو وضیتلری ،
 متقابل بر حسن رحم و خیرخواهلقدن عبارتدر . هیچ بر طرفک تحکمه
 حق یوقدر . بز تحکم ایتمسورز فقط معارضلریمزک تحکمی ده خوش
 کورمه یز .

احمد شیرانی



— اسلامیتله علاقه دارلغمزک درجه سی —

بعضیلری ، فکرلرمزک دین ایله پک زیاده مشغول اولدیغی ؛ بوسبيله دنیا
 اموری اهل ایلدیگمزی ادعا ایدرلر . بومسعی طوغریمیدر ؛ بزم دینه داتر
 دوشونجه لریز ، ذهنلریمزی پک زیاده اشغال ایلدیکی حکیمانه بروضیتله بیان ایلدیه کلن
 معلوماتن نه دن عبارتدر ؟

دین اسلام نظرندنه دنیا ، آخرت ایچون بر مدخر ، اصل غایه دوام و بقایی
 حائر آخرت اولوب ، دنیاده عطالت ، عقبایی خراب ایده جکی جهته ، مستقبیلده
 مسعود اولق ایچون حالده ثابته فوت ایتمه رک چالیشماسن لازم کلیرکن تأسفه شایاندکه
 همان عمومیتله آخرتی اونومش اولدیغمز ایچون دنیایده کرکی کی اهمیت ویربله ، مشدر .
 اکر ، اویه دنیلدیکی کی دنیایله حقیقی بر اشتغال شرفیه مظهر اولسه یدق
 دنیایی اونوتقی دکل . آنی اعمار ایلکی دینی وظیفه بیلهرک ، بوکون دنیایک
 اخلاقاً ، اجتماعاً ، اقتصاداً ک زیاده خاطری صساییلر ملنلرندن اولور ، جیداً

مسعودانه بر حیات امرار ایدرک ؛ آچیق سویله یلم: بزم مسلمانلقه علاقه من ،
مع التأسف یالکز مسلمانز دیمکن عبارت قالمش ، مسلمانلق ندر ، نه بی امر
ایدیسور ، ندرلو حرکدن اجتناب ایتمه منی تکلیف ایلور بورالی تدقیق
ایلمه مشدر ؛ آنک ایچوندرکه بوبوک را کثرتله خلغمز ، بعض جهله نك
— شخصه عاذه منقته مقتضای اولارق — دین نامنه میدانه قویدقاری ا کاذبه
بلاتدقیق صایانمش قالمشدر .

یوقسه مسلمانلرک دین اسلام ایله جدی رشکده اشتغال ایلدکاری دورلرده
هم دین ، همده دنیای عقللره حیرت بخش ایدجک درجه لرده مع وراستکاری،
عالمده بوکون اجانبک بیله کتمنه مقتدر اوله مدینی دینی ودنیوی عظیم مانرو مفاخر
وجوده کتیدکاری تاریخاً ثابت وانکاری غرقابل اولان موادندر .

بزم ایچون دین ایله پک چوق مشغول اولوروز دیمک ، سیاهه بیاض دینلرک قدر
غریبدرکه — اکر بوادعا ، کیزلی بر مقصد ، بر الحاد حسیله در میان ایدیلورسه —
حالمز تدقیق ایتمک خصوصنده کوستردیکمز غفلتله نه قدر خطالی نتیجه لره واصل
اولدیغمز آچیقدن آجینه کوستریر .

اسلامیتله علاقه من اوقونده اولسه ایدی اولادیمزک محافظه سی طوپراغیمزک
محافظه سیله قابل اوله بیله جی ایچون حوزه ملکمز داخل اولان مملکتلری منی حسن اداره
ایدرک مغبوط جهان اوله جق بر حاله کتیرردک ، اوله صویغو نجی طوریه اداره نامنه
بلاد منی خراب واهالیسنی اتلاف ایدرک نهایت بر ، برالدن چیقماسنه رضا کوسترمزک .
اسلامیتله علاقه من او اوقونده اولسه ایدی ایچمزدن ظهور ایدن بر قاج صویسزم
مملکت خلقنک مهم مقدارده بر قسمی — کندیلرینه فرقه جی سوسی وبره رک —
طرفدار اولوب بش اون غر و شلق بر منفعت مقابلنده اوناری قوتلندیرمه بی تجویز
ایتمز ، عباد اللهک سنه لرجه ظلم واشکنجه آلتنده ازیلمه سنه ، و بالنتیجه وطنک
بوکونکی پریشانلقنه سببیت ویرمزدی .

اسلامیتله علاقه من ، اوقونده اولسه ایدی مسلمانز دیه ن بر طاقم محنکر تجاریمز
حدود بویلرنده دین و مملکت نامنه جان و بر مک فدا کار لغنده بولونان عسکر لریمزک اولاد

وعیالی کوزلری اوکنده احتیاج ، آجاق یوزندن صاپیر ، صاپیر دو کولورکن وقتیه
 اوجوز قیشاله آلدینی اموالی یوز، ایکوز مثله صائق انصافز لغمده بولونمازلدی .
 نه حاجت ، بودیدکریمزلک صدقی آکلامق ایچون بر کره جامعلرمزه ، یازارلریمزه
 یول اوغراتمق کافیدر ، اوقوجه سلاطین جامعلرنده « نماز دینک دیره کیدر ، حکمنی
 ذهنته یولشدیرمش اولسی لازم کن محمد امتندن یالکز بر ، یاخود ایکی صف
 کوربله بیلور ؛ بز اوپله دیندارلرکه جوامع شریفیه — اوده وقت کچیرمک
 مقصدیه اولق اوزره — یالکز رمضانلرده اوغرار ، اوعبادت عمللرنده ،
 اویسوت آلهیهده بی ادبانه سجنلرله مشغول اولارق ثواب یینه معصیت قازانهرق دونرز .
 یازارلریمزه چیقانلر ، نه اصول تجارت ، نه آداب معاشرته دائر هیچ برشی
 کوره مزلر ؛ بالهکس « بن آنجق مکارم اخلاقی اتمام ایچین کوندلدم » دیهن
 بر پیغمبر ذبشاک امتی . اوداعاده بولونان بر خلق کتله — فی اوپله اخلاق — سزلق
 لوشیه آلوده کورورلرکه مسلمانلغه نسبت ادعا ایدن بواشخصاسک ناصل
 اولوب ده بو قدر ندقی وتردی ایتدکلرینه شاماملری قابل اولماز .

اڤ نازک ، اڤ کبار معاملهلری . ، آغزه ، یوزه ، دینه ، ایمانه سوکوت کبی
 درشت ، چیرکین هذیانلریله بر برینی متادیاً ایجتیمکده در ، بر حالده که بوفنا لک ، بو
 خویر سز لک اخلاقاً ، دیانه الزام ایتدیکی مضرتلری زیاتلری هیچ خاطرلرینه بیله کتیر مزلر .
 بونلر ، نه دین نه ده دنیا قیدنده اولما یوب ، ییمک ، ایچمک ، کزوب طوز مقدن باشقه
 هیچ برشی دوشونغرلر ، اکر اوپله اولسه ایدی یانلرنده بولنان ، قومشولری ملل ساثره
 منتسبلرینک حاللری کوره رک عبرت آلیرلر ، بر آزادب ، حیاء ، نزاکت اوکره نیرلردی
 انسان چارشیده ، یازارده خلقمزلک بوحالی کوردکجه حجابندن ایچین ، ایچین
 اریوز ، مسلمانم دیهن ، دینک احکامنی بیلهن ملت بویله می اولور ؟ دین ایله بک زیاده
 اشتغال ایتدیکی سویلهنن ملکیت بومیدر ؟ کیمه آچیم ، بونلر می ، یوقه
 بو خلق دین ایله جوق مشغول اولدیغنی ادعا ایدنلر می ؟

ع . عاطف

